

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سننده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه ذن
آلنق شرطیله ۴۰، طشر دلره پوسته
اجرتیله برابر ۶۰ غروشدرد.


نسخه سی ۹ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

تله فونلرک مخاطرہ سی

عمومی تله فون آلترری حقندہ نویورق
اطباسندن موسیو والتر طرفندن بالدفعات
اجرا قلنان تجارب و تدقیقات نتیجہ سنده
آلات مذکورہ درونندہ برخیلی مقدار
میقروب بولندیغی و بونلرک امراض میقرو-
بیہ استعدادی اولان اشخاص وبالخاصہ
مرض اوزرنده تأثیرات و خیمہ سی اولدیغی
تبیین ایتشدیر. مومنی الیہ، قولاقلرک درونندہ
بولنان غشاء صوتینک، میقرو بلرک تکثرینہ
پک الویرشلی بولندیغی بیانیلہ آلات مذ-
کورہ نک قبل الاستعمال آلقوئول، نہ تر، یاخود
غلیسرین محلولی ایلہ صورک مکملہ دہ ذہن فکرتہ
ایدلہ سی لزومی درمیان ایتمکدہ در.



قیشین طاوقلری یورطالامہ نک چارہ سی

سوسم شنتادہ طاوقلری ہر کون
یورطالامق ایچون یکانہ چارہ یملرینک ایچنہ
برمقدار ایصرغان تخمی قائمقدر. ایصرغان
اوقی طاوقلرک حرارت غریزہ لرینی تزیید
ایلہ دیکندن یورطالامقہ فوق العادہ بر میل
واستعداد حاصل ایدرلر.



کوی حکیمی

(مابعد)

بہلوان یاقیسی واسطہ سیلہ مورفین
استعمالی — اگرچہ بر طبیب حاذق بو
یولہ برشی استعمالہ لزوم کوسترایسہ یاقی
قالدیرلقدن صوکرہ تنسیب ایدہ جکی نوع
ومقدار آجیلان محلہ استعمال اولنور.

بعدہ یارہ نک تیماری مادہ سابقہ بیان وتفصیل
اولندیغی وجہ ایلہ اجرا قلنور.

سولوک

صورت انتخابی — سولوکارک بویجہ
حد وسطیدہ اولانلری، یعنی تقریباً بش
سائیترو طولندہ بولنانلری انتخاب ایدلملی
ویوندن بشقہ سولوکارک تازہ و همان الہ آندیغی
زمان مصایدہ بیلہ جک استعداددہ بولمایدیر.
محافظہ سی — اول امردہ اوافق بر فوجی
ایکی بولنیوب درونی کمال اہتماملہ تمیزلندکدن
صوکرہ صو ایلہ طولدیریلہ رق لاقل بر آی
حالیہ ترک و بوسورتلہ فرچینک قوقوسی
تماماً ازالہ اولنور؛ بعدہ اون لیترہ صیجاق
صویہ ۵۰۰ غرام صودہ علاوہ سیلہ استحضار
اولنہ جق محلول ایلہ دہ فوجیلرک ایچی کوزلجہ
یقانور؛ صوکرہ بویارم فوجیلر رطوبتسز
ومہما ممکن ہوادار بر محلہ وضع ایلہ ایچریلرینہ
— درتدہ اوج قسمی طولانہ قدر — بالچیقی
ونماک طوپراق و بونک اوزریندہ اورتولنجہ
قدر صو طولدیریلور. بوسورتلہ فوجیلر
درونہ قونیلان سولوکارک بالچیقی چامور
آرالرنده اختفا ایدہ رک ہم بویور. ہمہ دہ تکثر
ایدرلر. ایجابی حالندہ فوجی صو ایلہ
طولدیریلوب براز قاریشدریلور؛ اوزمان
سولوکارک صویک سطحہ چیقہ رق حبابلر
تشکیل ایدرلر. ایشتہ بو آراق فوجیدہ کی
صو دخی دیکشدریلور؛ زیرا سولوکارک
محافظہ حیاتی ایچون صویک دیکشدریلہ سی
لازمدر. صویک دیکشدریلہ سی تسہیل
ایچون فوجیلرک آلتندہ اوافق برر دلیک
بولندیرہ رق آرا صرہ بو دلیکلرک طابہ سی
آچیلق صورتیلہ درونندہ کی صو آقیدلقدن
صوکرہ تازہ صو طولدیرلمق ایجاب ایدر.
سولوکارک ایچون اک مناسب صوپیکار صوی
اولوب قویو یاخود ایرماق صوی پک او
قدر ای دکلدر.

خانہ دہ بولندیریلہ جق سولوک آز
مقداردہ اولورسہ عادی بر شیشہ درونہ
برقاچ پارچہ بالچیقی طوپراق و مقدار کافی
صو وضع ایلہ سولوکارک بو شیشہ درونہ
صالیوریلیر. مذکور شیشہ قیشین صو-
غوقدن، یازین زیادہ حرارتدن مصون بر
محلہ حفظ ایدیلیر.

صورت استعمالی — کوچوق یاشدہ
کی چوجوقلرہ، طبیبک امر و توصیہ سی
اولمادقجہ سولوک یایشدیریلہ سی قطعاً جائز
دکلدر. برطبیب حاذقک کورہ جکی لزوم
قوی اوزرینہ ارانہ ایدہ جکی نقطہ بیلہ کمال
احتیاط ایلہ الصاق ایدیلہ بیلیر. چونکہ
چوجوقلرک معلوم اولان نزاکتہ مبنی
یاکلش محلہ الصاق ایدیلیرسہ نتیجہ وخیمہ
حصولی موجب املق احتمالی واردر.

سولوک یایشدیرلمازدن اول اوج درت
ساعت قدر صو خارجندہ براقیلیر و یایشدہ
یریلہ جنی زمان قورو بر آصدار پارچہ سی
ایلہ قورولانیر. وضع اولنہ جنی محل دخی
یقانوب و ایجاب ایدرسہ تراش ایدیلوب
صوکرہ شکری صو، یاخود سوت ایلہ
اونیلور.

سولوکارک آیاقلی بر باردق یاخود بر
حجامت شیشہ سی درونندہ اولہ رق تنہ
یایشدیریلور و تمامیلہ یایشنجہ قدر مذکور
باردق طور دیریلور. سلوکارک تنہ یایشہ سی
تاخر ایدہ جک اولورسہ مطلوب اولان محلی
ایکنہ کی برشیلہ غایت خفیف بر صورتدہ
قاناق کفایت ایلر. بوسورتلہ سولوکارک
درحال یایشیرلر. سولوکاری قولایلقلہ
یایشدیرمق ایچون اک کوزل چارہ بوندن
عبارتدر.

(مابعدی وار)

